

Arkoconsult AS
Postboks 103
5291 VALESTRANDSFOSSEN

Referanser:
Dykkar:
Vår: 21/8919 - 21/79419

Saksbehandlar:
Kjartan Medaas
kjartan.medaas@alver.kommune.no

Dato:
24.11.2021

Løyve til oppretting av ny grunneigedom - gbnr 424/148 Bø

Administrativt vedtak: Saknr: 1264/21

VEDTAK:

Med heimel i plan- og bygningslova § 26-1, jf. §§ 20-1, bokstav m, 20-2 og 20-4, bokstav d vert det gjeve løyve til oppretting av ny grunneigedom på om lag 1800 m² frå gbnr 424/148 på følgjande vilkår:

- Tiltaket skal plasserast som synt i situasjonsplan datert 11.04.2021, jf. pbl. § 29-4.
- Nøyaktig storlek på areal vert klarlagt i samband med gjennomføring av oppmålingsforretning etter matrikkellova.
- Rett til framføring av vatn og avlaup til offentleg anlegg må tinglysast seinast samstundes med oppmålingsforretninga, jf. pbl §§ 27-1 og 27-2.
- Rett til veg fram til offentleg veg må tinglysast seinast samstundes med oppmålingsforretninga, jf. pbl §§ 27-1 og 27-2.

Løyvet fell vekk dersom det ikkje er gjennomført oppmålingsforretning etter lov om eigedomsregistrering innan 3 år etter at løyvet er gjeve, eller dersom matrikkelføring vil vere i strid med lov om eigedomsregistrering jf. pbl § 21-9.

Saksutgreiing

Tiltak

Saka gjeld søknad om oppretting av ny grunneigedom ved frådeling bustadtomt frå gbnr 424/148. Parsellen er oppgjeve til å vera om lag 1800m².

Søkjar er Arkoconult as på vegne av eigar Truls Stevnebø.

Det vert elles vist til søknad motteken 20.10.2021 og situasjonskart datert 11.04.2021.

Planstatus

Alver kommune

Postboks 4, 5906 Frekhaug
Innbyggjarservice: +47 56 37 50 00

post@alver.kommune.no
www.alver.kommune.no

Kontonummer: 3207 29 30559
Organisasjonsnummer: 920 290 922

Gbnr 424/148 ligg i uregulert område og er sett av til eksisterande bustadområde i kommunedelplan for Radøy, KDP.

I KDP er det krav om at område sett av til bygg og anlegg etter plan- og bygningslova skal inngå i reguleringssplan før det kan gjevest løyve til oppretting av ny grunneigedom. Men i punkt 3.1.1 i føresegnehene til KDP er det opna for fortetting av kvart bustadområde med inn til to bueiningar utan krav til reguleringssplan. Fortettinga kan gjerast på visse vilkår.

Dispensasjon

Tiltaket krev ikkje dispensasjon.


Nabovarsel

Tiltaket er nabovarsla i samsvar med regelverket.


Det ligg ikkje føre merknader frå nabo.

Plassering

Plassering av tiltaket er synt i situasjonsplan datert 11.04.2021.



Utsnitt av situasjonsplanen



Utsnitt kommunedelplanen

Avstand frå omsøkt parsell til Hordbø kyrkje er omlag 64 meter.

Veg, vatn og avlaup

Eigedomen er tilknytt offentleg vatn via private stikkledningar. Eksisterande vassleidningar har i følgje søkjar tilstrekkeleg kapasitet til å kunne forsyne éi ekstra bueining. Det er henta inn førehandsuttale for tilknyting til offentleg vassleidning. Ny parsell er sikra rett til å ha liggande private stikkledningar over annan grunneigedom.

Det er henta inn førehandsuttale for avlaupsløysing. «Alver kommunen stadfestar med dette at avløpsløysing med tilstrekkeleg dimensjonert slamavskiljar og tett leidning til sjø er ei løysing som kommunen kan godkjenne for eigedomen denne eigedomen.»

Det er i sak 21/4887 den 10.06.2021 gjeve løyve til utvida bruk av eksisterande avkørsle til kommunal veg for ei ny bueining. Ny parsell er sikra vegrett over annan grunneigedom fram til kommunal veg.

Flaum, skred og andre natur- og miljøtilhøve

Det er ikkje avdekkja tilhøve som er til hinder for arealoverføringa. Ein har mellom anna sjekka arealet mot NVE sine aktsomhetskart.

VURDERING:

Naturmangfaldlova

Kommunen har sjekka det aktuelle arealet i www.naturbase.no og www.artsdatabanken.no og nytta rettleiing frå Fylkesmannen.

Kommunen finn ikkje at tiltaket vil kome i konflikt med naturmangfaldslova.

Vurdering av søknaden


Oppretting eller endring grunneigedom er eit søknadspliktig tiltak. Oppretting/endring av eigedom må ikkje skje på ein slik måte at det oppstår forhold i strid med lova, forskrift, vedtekt

eller plan, eller slik at det vert oppretta tomtar som ikkje er eigna til bebyggelse på grunn av storleik, form eller plassering.

Rekvirent har lagt fram erklæring om rett til framføring av veg, vatn og avlaup over naboeigedomane. Desse erklæringane må leggjast fram for landmålar og tinglysast seinast samstundes med opprettning av ny grunneigedom.

Rekvirent har lagt fram utgreiing om bygd areal både på avgjevar- og ny grunneigedom. Utgreiinga viser at utnyttinga av eigedomane vil vera innanfor maksimal tillat grense på 25% sett i KDP. Også kravet til uteopphaldsareal på minimum 200m² er dokumentert oppfylt.

Punkt 3.1.1 i føresegnehene til KDP opnar for fortetting av kvart bustadområde regulert til eksisterande bustader med inn til to bueiningar utan krav til reguleringsplan. Etter dialog med avdeling for Plan og Analyse i Alver kommune har ein kome fram til at med område er her tenkt område som har eige polygon i kartet.



Gjeldande område.

Fortettinga kan gjerast på følgjande vilkår:

- Eksisterande tilkomstveg og avkjørsle til offentleg kan nyttast.
- Eigedomen er sikra tilgang til vatn og har avlaupsanlegg som stettar dei krav som gjeld i dag. Ved etablering av nytt privat avlaupsanlegg eller framføring av leidningsnett til offentleg avlaupsanlegg skal også eksisterande bustad koplast til anlegget.
- På større eigedomar skal dei nye bustadeigedomane plasserast nært til eksisterande bustadhus for å oppnå effektiv arealbruk, og unngå oppdeling av areal og restareal som ikkje kan nyttast tenleg. Det skal utarbeidast ein samla situasjonsplan for heile den opphavlege eigedomen før det vert gjeve løyve til opprettning av nye eigedomar eller løyve til oppføring av nye bustader.
- Nye tiltak skal tilpassast eksisterande busetnad når det gjeld høgde, volum og estetikk.

Parsellen ligg utanfor byggegrense mot sjø sett i KDP.

Etter det sakshandsamar kan finna ut er det innan for området bygd eit nytt bustadhus i planperioden 2011 – 2023. Administrasjonen vurderer at vilkåra for å oppretta ein ny grunneigedom innanfor området er oppfylte.

Administrasjonen vurderer at omsøkte frådeling av parsell av gbnr 424/148 til bustadformål er i samsvar med gjeldande arealformål og planen elles. Vi gjer merksam på at vilkåra for fortetting sett i punkt 3.1.1 i KDP kan få betydning for bygging på eigedomen.

Konklusjon

Kommunen gjev løyve til oppretting av ny grunneigedom på om lag 1800m² frå gbnr 424/148 som omsøkt.

Aktuelt regelverk

- Deling av eigedom er søknadspliktig, jf. plan- og bygningslova (tbl.) § 26-1, jf. §§ 20-1, bokstav m og 20-2, jf. § 20-4, bokstav d.
- Frist for sakshandsaming, jf. tbl. § 21-7 jf. byggesaksforskrifta (SAK) § 7-2.
- Krav om nabovarsling, jf. tbl. § 21-3.
- Søknad om tilkopling til offentleg vatn og avlaup, jf. , jf. tbl §§ 27-1 og 27-2.
- Tilkomst til offentleg veg via privat veg må vere sikra, jf. tbl. § 27-4.
- Deling må vere i samsvar med prinsippa i §§ 8 – 12 i naturmangfaldslova.
- Kommunen kan ikkje opprette eigedomar som ikkje er eigna til å bygge på, eller som er i strid med lov, forskrift, vedtekter eller plan, jf. tbl § 26-1.
- Delegert administrativt mynde føl av kommunelova § 23 nr. 4 og gjeldande delegeringsreglement.
- Du kan klage på vedtaket etter lov om offentleg forvaltning (fvl) §§ 28-36.
- Vedtaket må klagast på før det kan reisast søksmål om vedtaket er gyldig eller krav om erstatning, jf. fvl § 27b.
- Frist for oppmåling er 16 veker, jf. matrikkelforskrifta § 18. Kommunen og du kan avtale lengre frist, men ikkje lengre enn 2 år, jf. matrikkelloa § 35.

Mynde

Saka er handsama og avgjort administrativt i medhald av delegert mynde.

Klage

Vedtaket er eit enkeltvedtak og kan klagast på til kommunen. Klagefristen er 3 veker frå melding om vedtak er motteke. Det er nok at klagan er postlagt innan fristen går ut. Klagan skal sendast skriftleg til kommunen. I klagan skal det gå fram kva det vert klagt på i vedtaket, og kva endringar ein ønsker. Klagan skal grunngjenvært.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut.

Oppmåling

Saka vert oversend avdeling for kart og oppmåling. Sakshandsamingsfristen der er 16 veker. Fristen vert forlenga med den tida som går med til tinglysing og eventuell supplering av opplysingar frå rekrenten. Kommunen og rekrenten kan avtale lengre frist, men ikkje lengre enn 2 år.

Ved all vidare kontakt i denne saka, ver venleg og referer til saknr.: 21/8919

Med vennleg helsing
Alver kommune, Plan og byggesak

Are Frøysland Grande
Avdelingsleiar

Kjartan Medaas
avdelingsingeniør

Dette dokumentet er elektronisk godkjent og har difor ingen signatur.

Vedlegg:

Vedlegg D-1, Situasjonsplan 424_148

Mottakarar:

Arkoconsult AS	Postboks 103	5291	VALESTRANDSFOSSE
Truls Stevnebø	Bøvågen 30	5937	N BØVÅGEN